



2022-2023


Ikasturteko

Hezkuntza Ez-Formaleko

Programa



begoñazpi ikastola



Arte-programa



Pintura

Pinturaren bidez, umearen alderdi emozionala, pertzeptiboa, intuitiboa eta analogikoa landuko dogu. Arteak, komunikatzeko era da-nez, norberaren emozioak, izaera, sentimenduak eta beharrianak adierazteko aukera emongo deusku. Irudimena eta sormena lagun izango doguz eta hainbat pintura-teknika jorratuko doguz, hala nola, gouache-pintura, pastel-pintura, tenpera sendoa, errotuladore liluragarriak, akwarela likidoa, olio akwarelable-pastela, etab. Hainbat tresna erabiltzeko modua be izango dogu, pintzelak, brotxak, txantiloiak, esponjak, zigiluak eta barriz kargatzeko pintzelak, besteak beste. Gainera, gure artelanetan ez da gomets, purpurin, egurrezko pieza edo ponpoiak bezalako apaingarririk faltako.

Metodologia

Ikaslearen jakin-min eta interesa oinarri hartuta, materialetan abe-ratsa izango dan esperimantazio espazioa eskaintzea da gure helburua, ikasleak aukera izan daian, bizipenetatik ikasteko eta artearekiko sentzibilizazioa lantzeko. Saio bakoitzean, material eta tresnei jagokenez, zenbait proposamen egingo jako ikasleari. Honek, ikasle bakoitzari artelana modu librean garatzea eragingo deutso.

Materiala

Ikastolak jarriko dau material guztia.



HAUR HEZKUNTZA

4 - 5 URTE
PINTURA



Haur-balleta

Pertsona baten garapen fisiko, kognitibo, emozional eta soziala sustatzen dauzanez, dantza garapen integraleko jarduera gisa ulertzen da. Holan izanik, dantzaren berezko hainbat ezaugarri, prestakuntza integral horren inguruan landu daitezke, hain zuzen be, gorputz-adierazmenean, emozioetan eta sentimenduetan. Dantzak, haur orori bere gorputzaren bidez adierazteko modua izateko bidea emongo deitso.

Ikasturte honetan, Andoni Aresti Dantza Eskolaren eskutik ekingo deitsogu haur-balleta jarduerari. Lehen ikasturte honetarako proposatzen dan jarduera haur-balleta eta sormenezko dantza da. Haur-balletaren eta sormenezko dantzaren bidez, erritmoaren, jolasaren eta fantasiaren bidez, haurrak dantza mundura erakarriko dira.

Helburuak

Haur-balletaren helburua gorputza modu askean erabiltzea da, mugimendua motor gisa, adierazpena, komunikazioa eta autoezagutza sustatuz. Dantza mota honek, arte bisual, eszenografiko, musikal eta gorputz-adierazpenetik datozan sormenezko baliabideen aniztasunaren bidez, keinuaren eta mugimenduaren plastikotasuna, espazioa antolatzeke gaitasuna eta inprobisazioa landuko dauz.

Norberaren gorputzarekiko sentsibilitatea bilatuko dau, baita espazioan, musikarekiko eta artearekiko talde-alkarreragina be, haurraren sentsibilitate artistikoaren kontzeptu aplikatua garatuz.

Gainera, oso aukera interesgarria da irudimena pizteke eta ongizate fisiko zein mentala emoteke.

Materiala

- Maillot-a, leggins edo dantzarako galtzak, ballet oinetakoak eta mototsa.
- Ikasturte hasieran emongo deitsueguz argibide gehiago.

Oharrak

Zaintza zerbitzua eskainiko da. Hilean 3 € ordaindu beharko da.



HAUR HEZKUNTZA

4 URTE

HAUR-BALLETA

SORMENEZKO DANTZA



Euskal Dantzak

Helburuak

Ikastolako Misioak adierazten dauanez, ezinbestekoa da Euskal Kulturaren hedapena eta zer esanik ez, honen adierazgarri diran Euskal Dantzak. Jarduera honen bidez, ikasleek gure kulturaren eta identitatearen sakontzen dabenean, gorputz adierazpena eta erritmoa landuko dabe.

Musikaz eta mugimenduz garatu eta aztertuko dira emozioen adierazpena eta ikaslearen sentimenduak.

Dantzen bidez, gure identitatea garatuko dogu. Beti be, gure kultura hedatu, ezagutarazi eta aberasteko konpromisoa hartuz.

Informazio erabilgarria

Dantza-eskoletarako erropa eta zapata erosoak jantzi beharko dira.

Izen-emote kopurua kontuan izanik, ordutegian aldaketak egon daitezke. Ahal dan neurrian, kontuan hartuko da ikasle bakoitzaren egoera.

Alardeei buruzko informazioa

- Ekitaldietara joateko izen-emotea internet bidez egingo da. Zirkularrak plataforman jarriko dira ikusgai.
- Dantza-ekitaldietara dantza-jantziak jantzita joan beharko da, salbuespenak salbuespen.
- Dantzariak, aldeztatik baietza emon eta alardeetara joaterik ez badau, twitter edo emailez jakinarazi beharko dau. Alardeetara baietza emon barik joanez gero, ez da dantzatzea bermatuko.
- Ekitaldia izago dan lekuan geratuko gara zuzenean, Ikastolara joan barik.

Jantziei buruzko informazioa

NESKAK

LEHEN HEZKUNTZA: 1., 2., 3. eta 4. maila
Begoñazpi Ikastolako jantzia, azpiko gona, ardi-lanazko mediak, eta narruzko abarkak.

Jantzia urrian erosi ahalko da, prezioa gitxi gorabehera 75€ izango da.

LEHEN HEZKUNTZA: 5., 6. maila eta DBH

Larruzko abarkak, artilezko galtzerdiak eta azpiko gona. Jantziak Ikastolak itziko deusez.

Alardeetan erabili eta gero, buruko zapia eta alkandora garbi bueltatu beharko dabe Ikastolara.

MUTILAK

DANAK

Praka eta alkandora zuria, txapel gorria eta zinta gorridun abarketa zuriak.



LEHEN HEZKUNTZA

1. - 2. - 3. - 4. - 5. - 6. maila
EUSKAL DANTZAK

DBH

1. - 2. - 3. - 4. maila
EUSKAL DANTZAK



Antzerkia ingelesez

Helburua

Lehen Hezkuntzan, hasierako urteetan antzerkia oso aberesgarria izan daiteke, batez be, ahozko adierazmena lantzeko, jende aurrean berba egiteko, beldurrei aurre egiteko, konzentrazioa izateko eta testuak buruz ikasteko.

“Sketch” eta obra laburren bidez, ikasleek aurretik esandakoak jorratuko dabez.

Informazio erabilgarria

- Gehien jota, hamabost ikasleko taldeak sortuko dira.
- Ikasturte amaieran Lehen Hezkuntzako aretoan, urte guztian landutakoaren antzezlanak ikusteko aukera izango da. Horretarako, ikasleek behar dabezan apaingarriak eta erropa ekarri beharko dabe.



LEHEN HEZKUNTZA

3. - 4. - 5. - 6. maila
ANTZERKIA INGELESEZ

DBH

1. - 2. maila
ANTZERKIA INGELESEZ

Bertsolaritza

Helburuak

Jarduera honek ikasleen bat-bateko ahozko adierazmen eta hiztegi konpetentzia indartzeko xedea dau.

Horrez gain, aisialdian bertsozaletasuna bultzatzea eta bertsolaritza aisialdiko topagune proposatzea be badau helburu.

Informazio erabilgarria

- Eskaintza Lehen Hezkuntza 5. eta 6. mailako ikasleei ez ezik, Bigarren Hezkuntzako 1. eta 2. mailako ikasleei be zuzenduta dago.
- Jarduera honek astean ordu beteko saioa izango dau.
- Ikasturte guztian hainbat jarduera burutuko dira.



LEHEN HEZKUNTZA

5. - 6. maila
BERTSOLARITZA

DBH

1. - 2. maila
BERTSOLARITZA